

欽定剿平三省邪匪方略

欽定剿平三省邪匪方略正編卷六十八

戊午年

三月二十一日

臣西

景安奏言

臣

前因川匪竄至

楚境卽飛咨張文奇帶兵前往襄北防堵十五

日接奉

諭旨令

臣

趕赴襄陽伏查豫省西路數月來業俱布

置妥協復留兵二千八百名交與叅將蔡鼎遊

擊李正品等帶領分佈關鄉盧氏浙川一帶並

派各州縣率領鄉勇協堵臣即遵

旨馳赴襄陽截剿現在探聞賊匪已至南漳一帶當

將隨臣策應兵二千餘名飭令將弁隨後帶往

襄陽以濟急用

同日汪新奏言臣接據保康縣楊開境稟報三

月初八日賊匪竄至該縣歐家店地方經署守

備吳華督兵迎剿斃賊五十餘名生擒二名餘

賊返由歇馬河一帶擾至南漳之馬良坪程溪

山等處適

臣

派往之叅將董寧川帶兵迎頭截

住刻下文圖自己趕抵該處卽可併力合剿至

東湖一股於三月初六日擾至霧渡河地方經

鎮臣張廷彥會同宜昌府王春煦等督率兵勇

併力剿擊斃賊一百二十餘人生擒羅貴等七

人餘賊亦向保康南漳一路奔竄臣已飛囑文

圖張廷彥董寧川等前後夾攻惟賊勢尙衆兵力稍形單薄臣現已飛咨景安卽於豫省酌帶官兵速來協剿

同日湖北宜昌鎮總兵官張廷彥奏言臣於二

月二十二日在巴東界嶺地方接奉督臣勒保札稱川省開縣等處逆匪分竄雲萬大寧邊界令移師前往巫山截剿正在起程間差探賊匪

已至巫山縣屬之龍溪河牯牛窖等處焚掠距
界嶺止八十餘里當卽督率遊擊俞國智等帶
領弁兵五百餘名鄉勇頭人麻光玉等帶領鄉
勇三百名前往迎截二十五日卯刻行至羅漢
壩地方遠見騎馬賊匪帶領夥衆五六千人奔
突而來臣卽飭令官兵整隊排列鄉勇等從旁
策應該匪冒死攻撲我兵鎗箭齊發立斃騎馬

賊匪十餘人生擒執大旗賊目一名餘匪向西
北奔竄訊據該犯供稱名葉文宗是劉成棟手
下先鋒劉成棟在巫山與張漢潮一股合併共
有一萬餘人商量要竄到湖北擄掠在牯牛窰
起程分作三路並進頭二兩起是張漢潮帶領
約定在興山交界之長峯仙風觀兩路行走劉
成棟帶領衆人出羅漢壩前來原要搶進界嶺

在歸州會合當將該犯寸磔臣仍督師進剿

至會家嶺山梁遙見興歸連界之管垵子等處

火焰衝熾諒係賊匪竄入焚燒適與葉文宗供

情符合卽飛飭守備汪鏐亮於附近卡所撤帶

弁兵四百餘名馳往興山會同該縣守護城池

臣卽帶兵勇一千餘名由間道抄赴歸州攔剿

二十六日行抵州治賊匪已逼近州城大兵乘

夜於州城外扼要地方紮定二十八九等日署
知州陳元京帶領守城鄉勇隨同官兵併力夾
擊殲賊三十餘名生擒四名賊衆始向東北逃
竄並據汪鉉亮及署興山縣朱宗騰稟稱賊匪
屢次攻撲縣治俱經兵勇擊退已向黃連坪望
東竄去拿獲賊匪李朝祿供稱意欲前往宜昌
府城搶掠當經飛調守備周言昇帶弁兵五百

名回守歸州臣帶領兵勇漏夜由水路趕回

郡商同知府王春煦督率兵勇守護郡城令通

判何學青帶領鄉勇在後接應臣偵探賊蹤來

路統兵駐劄郡城西北之霧渡河地方依山埋

伏三月初六日賊匪果從淡水埡一帶焚搶前

來我兵乘其不備迎頭截殺貢生傅治捐職州

同楊紹文武生汪學江率領義勇從旁衝擊殲

斃賊匪一百三十餘人生擒賊目羅貴余尙友
等七名餘匪向保康房縣各路分頭竄逸茲接
准汪新咨會已派文圖帶兵由房縣一帶前來
會剿正可前後夾攻剿洗淨盡至兵勇節次打
仗間有傷亡俟查明咨部議卹

同日路超吉奏言

臣

前將鄖西應設各隘卡安

置妥協後卽會同知府王正常馳赴堵截途次

聞德楞泰明亮等痛剿賊匪該匪已旁遁甘溝

一帶臣卽取道前進初六日行至槐樹溝正遇

賊匪前隊竄來臣同王正常分帶兵勇搶據山

包賊匪膽敢衝撲抗拒當經親率兵勇奮力壓

剿千總李光外委樵呈祥額外外委鄧起雲賀

樹俱因衝撲賊隊陣亡兵勇擊剿益力斃賊六

十餘名生擒二十七名適德楞泰明亮等領兵

逼剿前來派臣速赴泗峪河堵截臣卽馳赴該

處防堵嗣經德楞泰等將齊王氏姚之富一股

逆夥全行殲淨查漫川關一處爲山陽鎮安入

楚總口防堵宜嚴因將前設沙溝鋪校場關官

兵八百餘名移駐該處並集鄉勇二千協同駐

守又關防鋪一處爲洵陽入楚要隘除現設官

兵四百名外將前設藍灘官兵四百餘名移來

亦集鄉勇二千名駐守

臣

與道員張道源知府

王正常仍於該二處隨時往來嚴密防範均奏

入

上命軍機大臣傳諭景安汪新曰豫省西路經景安
佈置妥協復留兵交將弁等分布防守景安卽馳
赴襄陽截剿所辦俱合機宜此時湖北賊匪據汪
新奏滋擾保康一股已向南漳奔竄現經文圖與

叅將董寧川併力合剿其東湖一股經張廷彥等
抄截奮擊亦向南漳奔竄勢俱窮蹙今張廷彥跟
蹤緊蹙正可與文圖等前後夾攻且景安又帶弁
兵二千餘名接續前往惟當乘賊匪竄聚南漳之
時奮力進擊將賊首劉成棟等剋期剿淨至路超
吉奏到之摺祇係帶兵防堵及搜捕餘匪情形皆
係已往之事現在景安已赴襄陽該鎮等惟當聽

其調度不必紛紛竄奏徒亂人意所有殺賊陣亡
之千總李光外委樵呈祥額外外委鄧起雲賀樹
均著咨部加等議卹

二十二日

丙戌

恒瑞慶成奏言羅其清等股匪自

石坂埡折向東南奔竄

臣

等躡蹤兜剿並派副

將丁有成遊擊岳寧阿等各帶兵勇沿途搜捕
連日多有擒獲行抵龍岡寨地方探知賊匪現

屯孫家梁一帶時往西通蓬州南部之路搶掠

該處山深箐密祇可徒步帶兵臣恒瑞帶副將

皂靈保常格等由左進攻臣慶成帶副將德忠

丁有成等由右進攻總兵觀祥等率領弁兵接

續前進甫至雙山子地方適遇前隊賊匪數百

人猝奔前來我兵鎗箭並施斃賊一百餘人餘

賊敗退臣等乘勢追殺前往松林內復有數股

賊匪各執白旗撲出接應當卽督兵施放鎗礮

斃賊極多賊衆復依踞山巔放鎗滾石並分股

繞出衝撲

臣

等鼓勵弁兵攀援直上又斃賊二

三百人餘賊向東竄去此次打仗賊匪依恃林

木障蔽得以潛身放鎗擲石副將丁有成都司

徐得守備馬滿海均因奮勇殺賊陣亡

臣

慶成

於雙山子率兵在前掩殺左腿偶中鎗傷鉛子

深入未出轉動爲艱現在加緊調治弁兵內間
有傷亡查明另行咨部現聞勒保兜剿王三槐
等前來相離漸近臣等當與彼此札商併力剿
辦奏入

上命軍機大臣傳諭勒保恒瑞曰恒瑞等兜剿羅其
清等賊匪沿途殺賊無多又賊匪依恃林木障蔽
潛身放鎗擲石丁有成等未經防備致致剿計未

免矢之冒昧至慶成左腿中鎗尙非要害之地祇須加意調養自可漸就平復所有打仗陣亡之副將丁有成都司徐得守備馬滿海俱着咨部加等議卹看來羅其清一股經恒瑞等截剿東竄欲與王三槐徐添德合夥而勒保帶兵由營山一帶兜截與恒瑞相離甚近正可彼此知會夾擊況所調雲貴兵一萬名想已陸續趕到得此生力多兵自

無難一鼓集事也

二十四日戊子宜綿奏言臣因阮正通張漢潮兩

股賊匪在興安南北滋擾無兵截擊暫駐興郡

當派叅將李昌帶兵五百名州判薛困勉帶鄉

勇二千名趕赴兩河關堵截並調明亮帶兵二

千名來興會剿嗣聞張漢潮一股已竄至王黑

壩距梅湖僅六十里將次渡江臣因原派防守

梅湖之遊擊額爾畢濟呼僅有兵四百名不敷分佈復將所有之兵一千二百名盡交鎮臣關騰及烏爾圖那遜帶領馳赴梅湖並撥石泉鄉勇一千名前往協防初十日賊匪直趨梅湖踴淺過江額爾畢濟呼正在分途堵禦關騰烏爾圖那遜已帶兵勇趕到賊匪奔回南岸經我兵殺死及淹斃者甚多乘勢追過漢江又殺死三

百餘人時已薄暮遂將兵勇撤回北岸防守賊
衆又竄至毛垵塘屯聚其時署總兵田有成率
遊擊張濯等在大草地山梁駐紮署西鄉令張
泰亨同守備趙步雲等在九滾坪鸚歌岩各隘
口駐紮賊匪尙圖北竄於初十日率領四五千
人直撲卡隘經田有成張泰亨等督率兵勇連
次奮力夾擊共殲斃騎馬賊二十一人餘匪五

百餘人生擒二十五名殺死執旗頭目龍顯文
等三名維時知州宋昌琿知縣蔣志垣金思義
等亦自紫陽之紫溪河上地嶺亮垵子分途追
逐又殺賊四百餘人奪獲騾馬刀矛無數餘匪
分爲兩股一由三花灘小徑至四川之通江一
由石子壩至四川巴州境內該處俱與西鄉大
巴關接壤臣一面飛飭田有成張泰亨等繞出

峽口屯紮扼其入陝要路一面通知勒保囑其
派兵剿辦其李昌所帶兵勇於初九日抵兩河
關次日黎明果有賊匪千餘人自東竄至李昌
等奮力攻擊殺死二百餘人賊目楊英執旗騎
馬往來衝陣我兵鎗傷其馬倒地卽被兵勇亂
矛戳死賊衆紛紛奔潰正在督兵掩殺間忽阮
正通等股匪自洵河突至餘匪遂乘機潰出李

昌急令薛困勉帶鄉勇一千名追殺自率官兵
五百名鄉勇一千名迎敵阮正通等股匪見官
兵人少競來攻撲李昌督率兵勇擊斃賊三百
餘人賊衆猶不肯退自辰至申轉戰五時把總
王瑞圖外委苟喜皆力戰陣亡李昌亦受矛傷
猶縱馬深入我兵勇氣倍增鄉勇亦人人用命
又殺賊六百餘人賊衆遂竄向麻葉坪一帶李

昌傷重回營旋即殞命查該叅將以數百之兵
禦數千之賊竭力截回不使竄入湖北力戰捐
軀實堪悼惜至薛因勉追趕前股餘匪行至爛
草坪又殺賊三百餘名生擒李日瑞等十七名
餘匪四散奔竄此時陝境之賊惟阮正通等一
股人數衆多現向麻葉坪一帶奔竄已距興安

不遠

臣

與道員溫承恩在東西兩渡紮營遏截

賊匪斷不敢窺伺郡城必將由北山繞至石泉

一帶渡江回川

臣

已飛咨興肇柯藩帶兵繞出

賊前截殺但興肇等兵力尙單計額勒登保與

德楞泰明亮兩隊大兵亦先後將抵山陽

臣

又

專札囑其酌分一人前來或專派鎮將帶兵數

千名隨後追殺與興肇柯藩兩面夾擊此次出

力員弁及傷亡兵勇統俟查明咨部奏入

上命軍機大臣傳諭勒保宜綿曰張漢湖一股賊匪
經宜綿分飭鎮將沿途迎擊雖殲斃一千二百餘
名但賊首仍未擒獲復折向通巴地方屯聚現在
宜綿已飭田有成等在峽口屯紮扼其入陝要路
而勒保接到宜綿知會自己分派將領帶兵前赴
剿辦務將此股首夥全行剿淨至阮正通一股現
由鎮安折竄欲出兩河關經叅將李昌等迎頭截

擊不令竄入湖北宜綿慮其渡江回山已飛咨與肇柯藩繞出賊前堵截所辦尙是此時該匪既不
能與高均德等合夥賊勢更孤德禡秦額勒登保
帶兵將抵山陽一帶計此時明亮亦早與宜綿會
合惟當督率關騰等自西而東兩面夾擊迅速殄
除至叅將李昌以少擊衆轉戰五時被賊矛傷後
猶復縱馬深入先後殺賊九百餘人旋因傷重回

營殞命實堪憫惜著咨部照總兵陣亡之例議卹
並著查明伊子俟服闋後送部引見候朕加恩其
同時陣亡之把總王瑞圖外委苟喜並著咨部加
等賜卹又近聞川省剿辦賊匪領兵之員惟富成
最爲奮勇州縣中則有劉清平以官聲甚好每率
衆禦敵賊以伊爲廉吏往往退避引去可見文武
員弁本不乏人若帶兵大員果能身先士卒鼓勇

直前而地方官能居官清正安撫得宜此等竄聚
賊匪原無難迅就掃除富成因打仗出力業經加
恩擢用提督其知縣劉清如果始終奮勉民情愛
戴著勒保查明據實保奏此外文武員弁有似此
者勒保尤應隨時察看拔擢數人其帶兵怯懦及
聲名平常者卽行叅劾治罪如北賞罰嚴明功罪
各當庶人知激勵各思用命於剿撫機宜大有裨

益也

二十五日

巳丑

上諭內閣曰觀成劉君輔剿辦老木園城匪已閱年
餘迄未蕆事實屬玩誤遷延觀成著卽革職劉君
輔著革去提督銜均仍留該處帶兵贖罪以觀後
効所有成都將軍員缺卽著富慶補授

上命軍機大臣傳諭勒保富慶曰觀成劉君輔剿辦

老木園屯聚賊匪已閱年餘迄未剿竣業將伊等
分別嚴懲仍留該處帶兵効力贖罪其從前玩悞
遲延之處著勒保卽行查明據實叅奏並著察看
伊二人能否勝帶兵之任若竟不足恃或卽令新
授將軍富成前往督剿富成打仗素稱勇往今已
加恩擢授將軍自當倍加奮勉迅速蕲功

臣等謹案知人善任者安民之本賞功懲罪

者軍令所先我

皇上明目達聰無微不燭此次帶兵各員內富成打

仗勇往富蒙

擢授提督

簡任將軍

降旨褒諭至劉清一縣令耳而帶兵所至賊輒引去

可見梟獍雖頑尙知畏避廉吏亦蒙

垂詢督臣令其據實保奏並令廣爲留心旌別拔擢
數人而觀成劉君輔之辨賊延緩卽予視職
仰見

黜陟公明權衡至當所以風厲有位而綏靖地方者
廣大悉備矣

二十七日辛卯德楞泰額勒登保奏言臣等在山

陽九里坪會合酌定後臣德楞泰由黑山口一

路臣額勒登保由界河一路分投進剿其時明

亮因准宜綿調赴興安行至二峪河探知高均

德等賊匪經額勒登保在鳳凰嘴痛剿該匪又

竄至軍嶺川一帶明亮相離甚近卽親帶索倫

馬兵及廣東漢兵就近馳擊該匪一見官兵卽

搶據山包併力抗拒明亮潛帶勁旅繞至賊人

山後衝上撲殺將賊人壓下山包臣德楞泰額

勒登保亦跟蹤滙集三面夾攻殲賊五百餘名
生擒四十五名餘匪翻山疾竄審據獲賊供稱
賊首高均德由界河折回欲由雒南竄往豫省
查軍嶺川前至商雒路逕紛歧

臣

德楞泰隨率

同賽沖阿阿穆勒塔達音泰圖桑阿札勒杭阿
愛星阿巴圖魯侍衛等由右一路雒南紅口河
寶安街抄擊

臣

額勒登保率同綸布春長春慶

溥豐紳楊遇春汪啟等由左一路藍田牧護關
躡剿明亮率同阿哈保温春木騰額德寧巴圖
魯侍衛等由中一路商州黑峪口鐵爐子橫衝
腰截該匪星夜奔竄十七口由寶安街前竄雜
南經臣德楞泰率同賽沖阿等迎頭將賊人前
隊擊敗該匪退竄大鹿寺十八日黎明臣額勒
登保已趕抵該處賊匪由楊家河一帶敗竄時

臣德楞泰正由張家灣繞出迎截該匪又欲折
向老林山竄走經明亮率兵由東桃坪衝出擊
殺將賊匪逼剿至雒南兩岔河一帶該匪將急
搶據山頭將矛排列于前併力抗拒揚言欲爲
齊王氏等復仇相誓死鬪情形極爲兇悍

臣等

激勵官兵分路殲剿不遺餘力賊人東突西奔
亡命衝撲四次被官兵東西截殺將衝先賊匪

殲擒過半積屍滿山谷計殺賊二千三四百名
生擒三百八十一名敗殘之賊慌忙竄入秦嶺
深林

臣

等見擊斃賊內有臨陣號召夥黨盡力

抗拒者必係頭目當將首級令活賊識認內有
白號僞元帥高大僞總管高二俱係高均德胞
兄又有藍號僞元帥宋大宋三嚴姓僞先鋒崔
德友黃號僞元帥王林高等七犯均係襄陽人

卽將高大等首級梟示復就餘犯審訊高均德
下落僉供因見官兵勇銳高均德先從山後逃
走想必逃入老林當將該犯等駢戮查高均德
一股此時勢益窮蹙_臣等乘勝帶兵仍分左右
兩路併力剿辦務將首逆生擒此次打仗官兵
內協領色爾滾前經受傷未愈此次以尙能騎
馬再三告請手腕復受鎗傷都司王玉龍守備唐

玉龍俱受矛傷吉林領催委官烏勒卿阿首先搶
上山包衝殺陣亡其餘傷亡兵丁數名另行咨部

同日德楞泰奏言

臣

欽奉

諭旨以殲斃齊姚二逆令將隨征滿漢帶兵及辦理
營務帶領鄉勇等項出力各員查明核奏當同
明亮等秉公確查謹就武員中殺賊最多及首
先衝入賊隊殺賊者文員內帶領鄉勇協剿及

辦理營務出力催餽糧餉無悞者覈實開單懇
恩俯在獎勵再齊姚二首逆昨由沙狐嶺折向東北
竄逃委係遊擊馬瑜詳探稟報官兵得以分路
截剿迅速蕲功可否將該遊擊

量加鼓勵之處出自

天恩

同日景安汪新奏言臣景安自盧氏起程於二

十日馳抵襄陽與臣汪新並藩司高杞面商當

據各屬探稟賊匪約有一萬餘人現在南漳遠

安當陽荊門州一帶奔竄該匪等分合無定東

擊西奔必須分路兜剿查湖北額兵除調赴川

陝協剿及派防鄖宜邊境外實無可調之兵臣

景安自豫起程時與總兵張文奇分帶河南宜

兵三千餘名前來計兩三日即可到齊臣等

面知會文圖帶兵一千名自南漳一帶截擊退
其西北奔竄之路海興阿張廷彥帶兵一千八
百名自遠安當陽進剿堵其竄入荊門驛路

臣

景安一俟兵齊卽率同高杞帶領自宜城由北
分路迎截如此三路並進可期聚而殲洗

臣汪

新現於路超吉所帶防邊兵內抽調八百名前
來察看何路緊要卽往策應其襄江北岸一帶

臣等又留兵一千餘名交張六奇帶領守禦復令糧道完顏岱等督率鄉勇嚴密巡防

同日英善福寧奏言查川省軍餉前蒙

恩准撥銀四百萬兩刻下因陝省截留尚未解齊節

據軍營總理及各糧員稟報積欠甚多卽省城

藩庫亦已無銀支放臣等通盤核算截至本年

二月底止凡軍營並川北川東各站所欠兵丁

鄉勇餉銀站夫運腳馬騾腳價及各營季餉新兵月餉採買穀價軍火價值運米水脚等項計共三百餘萬兩均係挪借墊給是前次之四百萬兩即使全數解到逐一支放所餘無幾現在賊匪四竄各路官兵剿捕喫緊臣等與勒保往返札商惟有再懇

賞撥餉銀四百萬兩迅速解川以資接濟均奏入

上命軍機大臣傳諭德楞泰景安曰高均德一股竄
匪經德楞泰額勒登保分路兜擊而明亮行至二
峪河探知賊蹤不卽馳赴興安卽與德楞泰等合
剿所見尙是此次殺斃二千餘名又殲其頭目多
人勢益窮蹙現在該逆逃入秦嶺深林德楞泰額
勒登保等已帶兵兩路兜剿務期生獲解京高
均德就獲後卽當酌量情形或明亮前赴宜綿一

路協剿阮正通或德楞泰等同帶勝兵前往更可
得力惟在察看緩急機宜妥爲籌辦此次打仗陣
亡之領催委官烏勒卿阿著咨部加等議卹其受
傷之協領色爾滾等會否平復並著遇便覆奏至
劉成棟一股賊匪在遠安南漳一帶奔竄無定景
安所帶兵力無多派撥堵截尙能鎮靜調度均屬
合宜現在景安已令文圖由南漳帶兵截擊並令

海興阿等自遠安當陽一帶追剿景安一俟兵齊
惟當督率相機兜剿肅清楚境爲要

上諭內閣曰前因殲斃齊姚二首逆降旨令德楞泰
將隨營文武出力各員查明保奏茲據開單進呈
自應量加恩獎知州陳祁候補同知胡壽芝千總
張瑤王仕榮把總徐陞李廷賡彭家棟呂萬得外
委曹興邦俱著賞戴藍翎知縣龍萬育著以同知

直隸州補用典史呂朝選高遷候補典史鈕正綱
著以府經歷縣丞補用至遊擊馬瑜打仗奮勇復
于齊姚二首逆竄逃時詳探得信官兵得以分路
截剿尙爲出力著加恩以叅將陞補其二等侍衛
富僧德著補授頭等侍衛藍翎侍衛呢瑪善著補
授三等侍衛寧古塔協領明保賞給庫齊特伊巴
圖魯名號布特海佐領都爾圖賞給索多巴圖魯

名號副叅領阿勒唐古爾賞給胡爾察巴圖魯名
號建昌鎮遊擊蒲尙佐賞給勁勇巴圖魯名號土
練守備阿泰賞給謝莽巴圖魯名號瓦思都司索
諾木文柱賞給覺龙克擦巴圖魯名號仍照例均
著各賞銀一百兩吉林領催達春巴彥保齊齊噶
爾總管都當阿布特海佐領朱善均著賞戴花翎
盛京佐領托永阿寧古塔佐領福珠祿委叅領伊

林保佐領伊成額布特海副長托倫泰成都防禦
扎勤等均著賞戴花翎寧古塔前鋒德靈吉林領
催額勒精額渾春領催伊林保三姓領催常在鄂
永武伯都訥領催額勒精額布特海委驍騎校福
林泰馬甲郭勒敏達喜打牲壯丁額勒和慎呼倫
貝爾委散騎郎布喀察爾墨爾根城驍騎校烏靈
阿等均著賞戴藍翎健銳營委前鋒叅領六十四

著補授額外副前鋒叅領前鋒校色普騰富保等
均著補授額外委前鋒叅領藍翎長台靈阿額外
藍翎長德壽均著補授額外前鋒校以示鼓勵
上又諭內閣曰英善等請撥餉銀以資接濟著于戶
部內庫撥銀四百萬兩照例迅解川省備用

二十八日 王勒保惠齡奏言 臣等初八初九等

日偵探賊蹤據報岩峯灘永興場苦竹寺等處

均有賊匪往來出沒而各首逆等大駭匪衆俱

在黑馬山觀音巖一帶屯紮臣等當卽分派將

備酌帶鄉勇先于巖峯灘各路與賊匪對拒大

兵另從白巖寨金紫山一帶取道直趨黑馬山

當派提督富成副都統七十五等帶兵一路臣

等督同明興並總兵百祥等帶兵一路初十日

五更富成等所帶官兵進抵磨子溪涉水過河

對面西北山梁卽有賊匪蜂擁而下直撲我兵
前隊富成督兵分投截擊賊匪併力抵抗並於
山溝內埋伏多人欲截我兵後路適

臣

等馳抵

牛毛山探知後路有賊抄襲卽派百祥等斜趨
車谷山衝下山溝立將該處伏賊擊散當卽督
兵搶上磨子溪對面山梁與富成兩面攻擊殺
賊五百餘名賊匪退至黑馬山因天晚暫行駐

劄十一日黎明各路官兵依隊進發副將海常
帶兵首先上山賊匪恃衆抗拒我兵悉力仰攻
連斃執旗賊目二名匪衆七百餘名內有騎馬
賊匪十餘人生擒羅克玉等一百三十四名俱
係王三槐冉文儔名下戰手卽就軍前正法餘
衆退走觀音巖都司馬天德守備王耀把總劉
宗均受傷陣亡查自黑馬山至觀音巖兩面陡

壁下夾深溝四圍林密地更險峻臣等於十二

日復督率富成七十五富爾賽百祥穆維等分

兵前進賊匪於沿山陡坎之上施放鎗礮併力

堵禦甫至半山兩旁樹林內突出伏賊二千餘

人捨命衝撲遊擊泰安向前迎敵手刃數賊中

矛陣亡把總李瑤因受鎗傷重殞命我兵人人

切齒目辰至未奮力擊剿斃賊一千餘名賊衆

卽由山溝小路逸去臣等督率提鎮將領等追
剿二十餘里適余家寨水蕩溪兩處團勇因賊
匪從觀音巖逃竄亦於寨內挑選精壯與官兵
前後截殺賊匪橫屍徧地當詢該處團勇頭人
僉稱徐添德一股賊匪本在觀音巖之後林剛
寺岳家寺一帶屯紮王三槐冉文儔等均從此
路逃竄自必歸入一夥現在臣等整頓兵力設

法進攻於東鄉巴州各隘口星飭文武添勇堵截至羅其清一股賊匪現紮儀隴縣屬孫家梁地方恒瑞等於初十日督兵進攻提督慶成左腿中鎗受傷較重且該處爲通往蓬州南部要路恒瑞兵力本單已派總兵富爾賽朱射斗分帶兵勇馳往該處協剿連日打仗傷亡弁兵另行查明咨部

同日荊州副都統海曲阿奏言臣於三月十四

日馳抵當陽休得賊匪經鎮臣張廷彥節次抄

剿已由保康遠安一帶折竄前來距當陽祇七

十餘里臣卽於該縣西北長坂坡一帶帶兵扼

要紮定十九日賊匪由張王廟溝溪河一帶直

奔前來時賊首張漢潮劉成棟等張建僞號旗

幟騎馬指揮羣賊擁撲富有協領富清防禦四

德等直撲賊隊該匪等紛往正東一帶奔逃富
清四德追殺無數旋中賊鎗陣亡查正東卽係
河溶一帶係荊州大路最關緊要一面飛飭知
縣汪雲銘等帶領鄉勇以追作堵臣卽帶原領
官兵漏夜抄至河溶地方遏其東竄二十日黎

明甫抵該處羣賊蜂擁而來臣帶領協領果勒

明阿佐領良著等督兵一截並有河溶巡檢夏

永謙帶領鄉勇隨同堵剿賊匪雖數次進撲究不敢十分進逼是日申刻張廷彥帶領弁兵從遠安抄剿前來賊匪始往東北一帶狂竄臣現與張廷彥會合跟蹤緊剿此次我兵殲斃賊匪三百餘名生擒劉應舉等三十四名卽經正法佐領達齊那巡檢夏永謙撲入賊隊均被戕害弁兵亦間有傷亡俟查明咨部辦理

同日鄂輝馮光熊奏言臣等於三月十五日接

准勒保咨調貴州兵五千名雲南兵五千名前

赴川省軍營臣等當於貴州各標營內挑選壯

健驍勇兵五千名臣鄂輝復將滇省額兵通盤

核計酌派兵五千名飛咨撫臣江蘭速卽料理

起程現今貴州兵五千名分爲十起派糧道孫

文煥副將康世貴等往來各站照料其雲南兵

五千名亦分十起酌量營分遠近派定起數委
令臬司張繼辛咸寧鎮總兵七格等催餉照料
並委迤東道豐紳由滇護送出境至統領大員
查有雲南鶴麗鎮總兵德英額从厯行陣由四
川副將陞任今職於該省情形較熟所有雲南
兵五千名卽委該鎮統領前進其貴州兵五千
名查有清江協副將孫大猷老成勇往堪以統

領並多派叅遊都守等官用資管帶現已逐起
催令償行不敢稍有延緩均奏入

上命軍機大臣傳諭勒保惠齡恒瑞海與阿日勒保
等奏連日攻剿賊匪王三槐等股輾轉奔竄經官
兵在黑馬山觀音巖地方兩次截殺殲賊一千五
百餘名但並未拿獲首逆一人賊衆仍從觀音巖
山溝逸出未爲滿意現據訊之獲犯供稱徐添德

一股本在觀音巖一帶屯紮王三槐冉文儔均從
此路逃竄自必歸入一夥正可聚而殲除勒保等
所調雲貴兵一萬名現據鄂輝等奏趕緊派撥並
令總兵德英額副將孫大猷等帶領分起起程此
項生力勁旅其鋒甚銳勒保等當趁此機會督率
將弁奮力將各首逆速行擒獲毋再遲延至羅其
清一股現在儀隴地方竄聚勒保因慶成受傷添

派富爾賽朱射斗帶兵馳往協剿恒瑞務須與該鎮等奮勇直前併力合擊至慶成前於打仗時腿受鎗傷著勒保查明如該提督傷已漸愈自應留營協剿倘傷處較重一時難以就痊莫若令其緩程來京藉資調攝所有打仗陣亡之遊擊秦安都司馬天德守備王耀把總劉宗李瑤俱著咨部加等議卹又保康遠安一帶竄匪經海興阿帶兵截

擊卽向河溶一帶逃竄該處爲荊州大路最關緊
要海興阿所帶兵丁六百名俱係滿兵剿捕可資
得力昨景安已令文圖等由南漳帶兵截剿正可
前後夾攻毋任輾轉逃竄又此次殺賊陣亡之協
領富清佐領達齊那防禦四德巡檢夏永謙俱著
咨部加等予卹

欽定剿平三省邪匪方略正編卷六十九

戊午年

四月初一日

乙未

秦承恩奏言李全阮正通高均

德各股賊匪潛竄孝義監田商州一帶時分時

合出沒無定因東西南三面俱有大兵攔堵總

欲竄過嶺北由大路直趨豫境經

臣

與王文雄

帶兵截擊未令出山是以李全阮正通兩股轉

回鎮安西竄漢陰石泉現在宜綿興肇柯藩圯

圍合剿其高均德一股經德楞泰額勒登保明
亮于藍田之青崗坪雒南之兩岔河痛加剿殺
賊勢窮蹙遂山渭南之箭峪口華州之街峪口
分股北竄臣聞信卽令王文雄先帶馬隊與永
德所帶山西兵丁分投擊斃三百餘名生擒劉
全仁等四十六名餘匪仍折回奔入老林王文
雄承德現已進山搜捕與德楞泰等分布堽圍

至李全阮正通二股雖經宜綿等在石泉一帶

兜剿但該處逼近五郎誠恐乘間北竄

臣

督率

兵勇於北路布置堵剿斷不令其竄出平地再
夾嶺以南前有庫峪剿敗餘匪數百名竄往搶
掠經臬司台斐音督率兵勇擊殺三百餘人餘
匪南竄五郎邊界台斐音復約會遊擊龔鐸帶
兵兩面夾擊剿洗淨盡

同日倭什布奏言臣探聞陝省城匪阮正通一

股竄入渭南縣屬之大龍廟焚掠旋竄至華州

交界之街峪口一帶欲向東竄卽經侍衛承德

帶兵堵剿又聞高均德一股竄至雒南縣屬之

兩岔河經德楞泰明亮帶兵迎剿適額勒登保

亦派兵由張家坪追來三路合剿拏獲活犯聞

有高均德業經被傷之供未得實在下落臣查

華州界聯雒南而雒南縣之東北卽係豫省閩鄉縣屬之太峪口犬牙交錯在在可通誠恐兩股賊匪一經官兵兜擒鋌而走險則太峪口之防堵更宜嚴密該處距盧氏縣之朱陽關計程四百七十里當將朱陽關防守事宜交叅將蔡鼎等妥爲辦理臣卽於二十一日起程馳抵太峪口督同原派防守之文武員弁遍加履勘添

設木卡派撥官兵駐守其太峪口兩旁小徑可

通之隘口

臣

卽督飭一律深溝高壘并將先經

留駐之兵四百名與

臣

現帶盧氏之兵二百名

分撥防守且雒南距潼關一百八十里太峪口

距潼關僅六十里

臣

駐劄此間亦可少壯驍銳

同日覲成劉君輔奏言二月初旬以後賊匪從

開縣竄入大寧擾及寶塔糧運經

臣

劉君輔督

司副將白守忠等分路抄擊得以疏通無阻適
接大寧縣稟報離縣城三十里之白雲觀雞頭
壩兩處復有竄匪滋擾當卽帶兵馳往援應該
匪正在搶撲城外卡座當卽激勵弁兵奮力攪
殺時叅將胡尙賢知縣鍾蓮亦帶兵勇出城兩
面夾擊賊衆有翻山赴箐逃走者有向龍溪河
鳧水奔竄者復經官兵於渡口邀截賊匪受傷

及淹斃者約二三百人民情稍定而老木園之賊知外援已斷自二十四五日後連宵偷撲營

卡均經

臣

觀成督飭兵勇併力兜圍屢有斬獲

並據投出之周文高周啟富供稱實因山上糧盡每日刨挖野菜度日饑餓難過投出乞命並詢知賊巢四面俱加砌插石深挖壕坑層層險要惟馬桑溪一處地勢窄狹僅有木城兩道繞

徑爬越而上可以奪佔利尤日三鼓密派遊擊
朱進廷愛隆阿楊洪新佐領順德守備劉忠魁
各帶兵勇分爲五路進攻牽綴賊勢臣觀成督
率協領蘇勒芳阿叅將呂朝龍及弁兵鄉勇等
隨後進發從小梁子花椒坪迤邐攀援而上時
值山霧迷漫外委王正林屯把總喇木喀爾濟
首先搶上賊卡拋擲火彈賊匪蜂擁出卡抵禦

被我兵擊斃三十餘名王正林喇木喀爾濟均受傷陣亡候補守備虎正林把總楊登雲均受石傷甚重正在督催兵勇進逼賊巢詎賊匪於懸崖上之木克垵三道垵等處紮有卡隘滾放擗石兵勇奮力搶撲傷亡四十餘人當卽暫紮另行躡路攻取又據鍾連稟報大寧之黑溝鹿塘溪有雲陽竄匪二千餘人突入分股焚掠勢

甚猖獗鄉勇不能抵禦當卽飭派千總陳國英
外委涂大用並於寧城挑派兵五十名壯勇五
百名於茶山壩魚沙壩擇要堵截不使竄合

劉君輔卽星速回營亟籌進剿均奏入

上命軍機大臣傳諭勒保宜綿德楞泰秦承恩倭什
布曰秦承恩奏李全與阮正通合夥折回鎮安西
竄漢陰石泉地方宜綿由興安帶兵自西而東正

可迎頭截剿而與肇柯藩繞道邀擊併力夾攻務
當趁此機會一併殲擒若再任折竄五郎乘間北
逸惟宜綿興肇柯藩是問至高均德一股屢經德
楞泰等痛加剿殺前日又在軍嶺川等處殲戮二
千餘名自益窮蹙何以又任賊匪由渭南華州一
帶分股北竄而德楞泰等又何以並不繞赴城前
攔截復蹈從前尾追積習德楞泰明亮額勒登保

著傳旨嚴行申飭至所稱該匪奔入老林一節賊
匪既入山中無從掠食必思仍行竄出秦嶺一帶
險要甚多德楞泰等自當於緊要隘口一百分路
嚴防一面統兵進山搜剿若僅以躡後進攻了事
則賊匪又必乘間奔竄伊等寧見不及此耶其庫
哈口剿敗餘匪經臬司台斐音等剿洗淨盡所辦
尚好秦承恩既在北路駐紮並著台斐音幫同分

投防堵又據倭什布奏聞高均德業經被傷之語如高均德實係受傷更易生擒卽或因受傷身斃或臨陣被殲亦必須有確切証見方可信以爲實勿任倖逃顯戮著秦承恩查明覆奏再觀成劉君輔前因剿辦老木園屯聚賊匪未能辦竣降旨革仍留該處帶兵自贖今閱所奏仍不過將大寧之白雲觀雞頭壩賊匪剿敗及奪據馬桑溪等處

賊卡而殺斃之賊無多首逆仍未拏獲實屬無能
况據獲賊供稱因山上糧盡每日刨挖野菜度日
是該處賊匪困守空山卽山上野菜斷無一年有
餘尙刨不盡之理必有下山掠食及他處匪徒暗
中接濟之事觀成等不但不能認真攻剿卽防範
亦不能嚴密看來竟不足恃昨諭勒保令富成前
往督辦該將軍尤當倍加感奮及早蒞事所有打

仗陣亡之外委王正林屯把總喇木喀爾濟俱著
咨部加等議卹

初五日_{已亥}景安奏言_臣自二十日到襄飛催自

豫帶來官兵到齊卽日整旅前進途次接據稟
報文圖海與阿張廷彥等帶兵二千餘名于二
十六日在荊門州屬之石牌地方遇賊接仗賊
衆分路抄圍文圖等奮力衝殺因衆寡不敵官

兵致有傷亡文圖受有鎗傷現在安陸府城調
沿海興阿張廷彥等亦往安郡整頓兵力旋復
探得賊匪已自石牌向北奔竄沿途焚搶裹脅
勢益猖獗臣所帶官兵僅有二千餘名聞賊衆
二萬有餘未免有衆寡不敵之慮隨探明賊匪
來路踏看地勢先於白雲山佔據山梁密派將
備分帶弁兵於左右山溝預爲埋伏二十八日

賊匪竄至白雲山左近見官兵已佔據山梁遏
其去路乃於夜半潛來搶梁經官兵施放鎗礮
擊退徹夜數次次早賊匪全夥而來分爲四股
公然搖旗吶喊兩股於山前直向上撲候補叅
將揆明遊擊善福守備張霞舉胥泗起卽在山
梁分路壓擊詎賊匪恃衆搶上將該叅將等分
爲兩處層層圍裹我兵布陣四面轟擊擊斃多

賊而賊勢克悍仍不肯退張霞舉胥泗起奮勇
撲出陣外將執旗賊目砍倒賊始敗退時侯明
善福尙在被圍張霞舉等帶兵衝擊內外夾攻
殲賊無算賊匪潰敗官兵分股壓剿其時另有
兩股賊匪由山溝抄襲前來

臣

卽與藩司高杞

率同叅將董寧川遊擊六十五都司姚國棟並
同知周季堂等帶兵分路迎截適候補副將廣

福都司曹星帶領埋伏官兵左右突出將兩路
賊匪截斷官兵人人奮勇鎗斫刀矛所及應手
而斃賊遂奪路狂奔向西逃竄臣等乘勝追殺
二十餘里此次官兵自二十八日夜半直至二
十九日酉刻奮力轉戰以寡勝衆殺賊約二千
餘名生擒活賊一百二十餘名內有執旗賊目
安紹全等二名訊據供稱賊首張漢潮自川省

竄入湖北原有一萬餘人沿途裹脅又有萬餘
總要過江往河南去今見官兵利害不知逃往
何處餘無要供當卽正法查遊擊善福猝被鎗
傷陣亡其餘出力員弁開單呈

覽現在賊匪旣向西竄_臣卽當趕緊追截惟是兵力
實屬不敷前經咨商姜晟王柄卽於附近荊州
各營內抽撥官兵二千名前來堵禦以便就近

調用再查此股賊匪自巫山闖入楚境川省並無追剿之兵想係領兵大員不及兼顧此時賊匪趨向無定恐仍從原路竄回臣復飛咨勒保卽派將弁迅速帶兵前來卽可迎頭截擊臣亦可就近調度以期迅速肅事奏入

上命軍機大臣傳諭景安勒保德楞泰額勒登保曰此次景安一聞賊匪北竄卽與高杞設法布置能

以少孽衆殲賊多名深爲可嘉景安高杞俱著賞
給金帛玉搬指大小荷包以示嘉獎此股賊匪由
川東竄入原止萬餘今沿途裹脅又有萬餘人景
安所帶兵丁僅二千餘名卽文圖海興阿張廷彥
等帶兵亦屬無多自屬不敷分剿景安雖咨商姜
晟等抽撥官兵二千但恐緩不濟急現在陝省剿
辦賊匪勢已窮蹙該處帶兵大員現有多人額勒

登保前此剿辦黃柏山賊匪於楚省情形較熟著
酌帶吉林黑龍江官兵數百名速赴荊州一帶與
肇本係荊州將軍亦著將原帶荊州滿兵率領前
來幫同景安剿辦此時景安惟當督率將弁先儘
現有兵力確探賊蹤乘勝追截擒拏賊首劉成棟
張漢潮等以期迅速集事卽因兵力未足不能擒
拏賊首或仍截回川東以便川省會合夾擊可期

製年三傳類考卷六十九

登保現已派往楚省協剿其高均德一股係德楞
泰明亮二人專責伊等若再不知奮勉曠日持久
任賊匪輾轉奔逃必當從重治罪慎之

上諭內閣曰景安奏此次在白雲山痛剿賊匪叅將
揆明等分路帶兵壓擊殲賊二千餘名實屬出力
候補叅將揆明著賞給副將銜同知周季堂守備
張霞舉俱著賞換花翎守備齊泗起著賞戴花翎

守備李永清千總張懷毓姜元祥賈龍圖馬中俊
俱著賞戴藍翎以示鼓勵

初七日辛丑宜綿奏言阮正通等一股賊匪由兩

河關竄至麻坪河意欲襲取興安臣督率兵勇

於東西兩渡分紮營寨以張聲勢賊匪遂竄入

北山勢將潛出石泉洋縣西至漢中隨飛咨興

肇柯藩帶兵由大路繞至石泉洋縣迎頭截擊

興肇柯藩於鳳凰嘴殺賊之後沿途搜捕餘匪
十九日趕到興安正在面商剿辦賊匪已從北
山潛入漢陰境內分爲兩股其小股由五郎之
月河竄至雙龍橋經署通判左觀瀾遊擊龔鐸
派鄉勇四百餘名竭力堵截賊遂折回江口一
帶其大股由大龍王溝小龍王溝確窩石分爲
三路直撲九條溝山梁該處爲紫陽要隘經知

縣黃靖圖千總李容昭督率義首姜瑞熊等據險施放鎗礮斃賊二百餘人賊遂順由山脚向漢陰城外四面焚掠二十日黎明騎馬賊數百人直撲東關遊擊額爾畢濟呼署通判高藍珍分派兵勇抵禦殺賊多名生擒三人已刻全夥之賊蜂擁而來四面攻城額爾畢濟呼高藍珍親督兵勇鎗礮木石並下東西兩關鄉勇亦齊

放鎗礮賊匪死者三百餘人鄉勇亦有被傷未
刻賊匪始退分屯于離城六七里之雙廟子觀
音河等六處環城屯紮是夜高監珍等商劫賊
營外委沙朝棟挺身前往遂帶鎗兵五十名壯
勇二百名縋城而下潛從賊營後山偷越而上
一至梁上吶喊放鎗並擲火彈賊匪正在驚慌
適與肇柯藩連夜帶兵趕到分爲兩翼直撲鎗

礮齊發賊衆棄營逃去由觀音河山梁望北奔
竄被官兵殺賊及跌崖踐踏死者約七八百人
生擒崔華隆等八名與肇柯藩恐其北竄急帶
兵赴冷水溝梨園河等處堵截賊匪遂折由大
小沙河出石泉之大壩至池河屯紮臣查阮正
通一股渡江時不過四五千人在兩河關漢
陰打仗實有一萬餘人卽沿途裹脅亦不應若

是之多興肇柯藩前在鳳凰嘴剿辦據獲賊供
稱頭人係阮正通是李全一股已與阮正通合
夥而各處歷次獲賊訊供有云高均德亦在其
內者有云張漢潮亦在其內者前自西鄉退回
川境係龍朝相假其名號又有云李全阮正通
尙在鎮安一帶並未來此者殊難憑信大抵賊
情詭譎明知官兵剿捕緊急首逆數人在所必

謀故于此腹處張彼股名號或有棄其大眾令
入代領輕身潛入他股徐謀去就者分合隱現
爲狡兔三窟之計使官兵無從蹤跡總之不論
何賊剿清一股再辦一股首惡自無所逃

臣

已

飛咨德楞泰額勒登保以東面最關緊要無論
高均德李全在內與否總防其竄入豫省當由
東向西以次剿盡義五郎零星竄匪卽交王

文雄就近派兵搜捕至此股西竄之賊自當交

興肇柯藩剿辦但伊二人帶兵僅有三千似屬

單弱臣所調明亮帶兵二千名據報已千山陽

起程至今尙未到興自係商州一帶賊勢散漫

合力剿堵急切未能脫身惟當就現有之兵亟

爲布置查自石泉以至洋縣城固各州縣並無

稟兵賊若山城固斜人褒城則北棧餉道梗塞

此路最關緊要鎮臣索賚英阿已將川餉照料

運完臣卽令其就近駐守雞頭關以防北竄其

沔縣寧羗爲南棧咽喉直達廣元保寧川省餉

道所關臣飛飭道員文需多撥鄉勇會同叅將

瑪靈阿于城外迤西多立營寨聯絡聲勢使賊

人不敢西犯又密咨興肇柯藩如賊匪分股四

出卽派輕兵間道繞至褒城漢中幫同索賚英

阿文需堵禦毋使賊匪闖入棧道一俟明亮帶
兵來興卽分撥兵弁前往助剿日來漢江水雖
稍長而可涉之處尙多賊人若分途踰淺竄回
通江等處亦可潛伏兵勇乘其半渡淹擊現在
興肇柯藩已帶兵由冷水溝馳赴池河趕剿至
興安當各路之衝頭據西鄉縣稟報川匪龍朝
相等又折回皮和鋪滋擾臣將前父關騰帶領

之兵調回郡城密爲防禦或鎮安之賊西來孝
義五郎之賊南竄皆可相機策應夾擊成功

同日恒瑞慶成奏言羅其清等夥匪依恃山險

林深尙在孫家梁簡家梁老虎洞一帶輾轉盤

踞窺伺西竄_臣等分佈營卡扼要堵截並分派

將弁於紛歧小徑埋伏截殺因道路叢雜_臣等

兵力不敷且聞王三槐冷天祿冉文儔等股賊

匪亦向西竄勒保等已兜截前來臣等當經知

會併力進攻旋接勒保札知分派總兵富爾賽

朱射斗前來臣等正在覓徑進攻接據儀隴縣

稟報忽有一股賊匪由東北竄入該縣境內探

係徐添德等夥賊查儀隴西通順慶保寧兩府

之路甚多隨令富爾賽朱射斗卽帶原兵取道

兼程馳往儀隴一帶相機截剿防護縣治臣等

仍逐日督兵攻剿孫家梁等處賊匪該匪狡猾
異常二十四日夜間由簡家梁等處竄出二三
千人潛從密林深溝抄向後路糧運經由之處
搶掠臣當卽率領巴圖魯侍衛將弁帶兵分投
堵截賊匪俱各潛伏林內抗拒官兵施放鎗礮
轟擊賊匪幾次衝突皆被截殺收退適富爾賽
等之兵將竄及儀隴之賊堵截奔回原路聞糧

運現有賊擾卽帶兵折回併力截殺賊匪驚惶
圖竄我兵乘勢衝入拋擲火彈短刃砍刺殲斃
賊匪二三百人生擒八十三名餘賊拋棄器械

翻越崖澗奔回

臣

等將活賊逐一審訊俱係羅

其清夥內從逆最久之賊意圖乘夜覓路西竄

當卽概行梟示現在探聞王三槐令添祿冉文

爵等夥竄至巴州一帶邊界均與羅其清等相

離不遠勒保督兵分路剿辦漸逼漸近各路官

兵均可聲氣相通乘機併剿再臣慶成腿受鎗

傷腰膂引痛轉動維艱茲接勒保來札將直隸

營務委該管將領管理凡撥調事宜交臣恒瑞

代辦令臣慶成前往順慶府醫治但此時正在

剿賊喫緊未敢離營如果不能速痊再赴府城

調養均奏入

上命軍機大臣傳諭勒保宜綿恒瑞曰阮正通一股
賊匪思欲西至漢中經官兵堵截又潛入漢陰境
內復經兵勇堵截殲賊多名賊匪又竄往石泉地
方屯聚現在興肇柯藩已帶兵馳赴池河正可與
宜綿兩面夾攻務卽迅獲首賊其所稱各股賊首
姓名訊據獲犯供詞互異自係賊情詭詐或恐官
兵指名搜捕故而隱匿姓名或本不在此股賊內

虛張名號以爲恐嚇村民之計忽分忽合使官兵
無從蹤跡宜綿等惟當上緊剿辦不論何賊剿清
一股再辦一股首逆一擒其餘黨夥失所倚恃自
不能牽綴官兵所有潛至賊營後山放鎗之外委
沙胡棟如果始終奮勉著以應陞之缺拔補其南
北棧道並著宜綿嚴飭鎮道等認真防堵至羅其
清一股前經勅保派富爾賽朱射斗幫同恒瑞剿

辦今據恒瑞等奏雖將此賊匪截殺折回孫家
梁而賊首仍未拏獲並欲西竄焚掠且王三槐冷
添祿冉文儔等夥又竄至巴州一帶邊界欲與羅
其清等竄合勒保前旣帶兵由營山一路兜剿與
恒瑞等相離甚近正可會合夾攻勒保初抵川時
屢獲勝仗聲威已著何以近日漸不如前惟當加
倍奮勉督率將弁奮力兜擊將各首逆一併擒獲

不可再有稽延慶成打仗受傷尙屬奮勉著賞給
金盒玉鼻烟壺大小荷包以示嘉獎如該提督卽
能調治痊愈自當仍留該處帶兵倘一時不能速
痊卽令緩程回京藉資調攝

初九日 癸卯 德楞泰額勒登保奏言首逆高均德

等股匪經 臣 等分路邀擊於雒南兩岔河地方

痛加剿殺該匪情急向秦嶺老林扒越該嶺延

袤八百餘里道通渭南華州等處與潼關相近
所關至要隨派鎮臣達音泰巴圖魯侍衛富僧
德協領明保副將德寧遊擊馬瑜張朋等帶領

滿漢步兵二千名由老林跟蹤前進

臣

德楞泰

同明亮襲冲阿圖桑阿阿穆勒塔巴圖魯侍衛

阿納保等帶兵由秦嶺繞出華州高塘截剿

臣

額勒登保帶領綸布春鎮臣長春慶溥巴圖魯

侍衛烏爾呼納副將楊遇春汪啟等帶兵繞至秦嶺之西截剿又令阿哈保溫春鎮臣木騰額愛星阿帶兵二千在天鹿廟一帶堵截十九日高均德自秦嶺竄奔尚塘正與官兵迎頭相遇臣等帶兵奮勇馳擊殺斃三百餘人生擒李大閑等四十三名該匪一見官兵卽仍向秦嶺老林中翻山逃竄達音泰等督兵邀截互相攪殺

殲斃一百餘名跌斃二十餘人餘賊向前竄走

臣

額勒登保帶兵於二十二日馳至西青崗坪

迎截殺賊二百餘人該匪驚惶官兵趕緊分投

剿殺賊匪中鎗箭死者甚衆並有賊匪在深林

自戕者生擒焦受富高新德等一百五十餘人

高新德卽係高均德堂弟當俱交運處死又拏

獲林材生等二十三名訊係附近被擄並未從

逆卽子省釋該匪復折向東南竄走阿哈保温
春愛星阿等由大鹿廟截擊殺賊一百餘名二
十六日追至鎮安所屬之藥厰子又經_臣等兩
路官兵痛剿殺斃賊匪四百餘人生擒丁克瑞
等十四名訊供連日屢被官兵邀擊不敢打仗
初意要回河南今思由鎮安五郎一帶希與李
全合夥或逃入四川與王三槐合夥等語當將

該犯等正法_臣等復分兵三路星夜由鎮安一

帶載擊現值連日大雨之後山水漲發趁此賊

匪奔疲圍剿夾擊務在生擒再明亮原令帶兵

二千馳赴宜綿處協剿嗣因途遇高均德股匪

又與_臣等分路截剿現在高均德已折向南竄

如與李全阮正通等合夥則官兵正需併力圍

剿自無庸再行分兵赴剿倘該匪仍復彼此分

竄自應酌量緩急迅赴宜綿一路協剿

同日勒保惠齡奏言黑馬山觀音岩等處屯聚

賊匪前經

臣

等督兵痛剿遂向林剛寺岳家寺

一帶潰逃該處路通巴州儀隴達州地勢散漫

自應趕緊攻擊是以一面將旁路後路緊要卡

隘添勇堵截一百分兵前往富成七十五穆維

等一路於十七八等日在尖山子大馬坪等處

遇賊節次接仗殲獲甚多十九日進抵買家梁

地方^臣等同明亮並總兵百祥副將關聯陞等

由茨巴店樂平關大魚箭一路隨剿隨進亦至

正登寨會合該處對面山梁地名關智坡賊匪

均于險要路口設卡抵禦我兵仰攻費力隨密

派奮成七十五等各挑奮勇弁兵裹帶乾糧乘

夜覓路攻取^臣等督率大隊從正路進發我兵

連撲數次俱因賊匪齊放礮石未能徑止甫至
半山賊匪又從兩旁溝內潛來抄襲我兵鎗箭
並發斃賊多名守備岑現佩千總張如龍吳開
祥因首先衝入賊隊受傷陣亡二十一日五鼓
富成等繞至鬪智坡山後督兵扳援而上維時
該匪等俱在前面併力抵禦未及隄防我兵搶
佔山巔遙見賊勢慌亂遂卽鼓勵兵將併力向

前奪據賊卡兩路官兵奮勇剿殺匪衆紛紛奔
逸斃賊一千餘名生擒劉必受等二百一十五
名訊據供稱該首逆等因官兵追剿緊急現在
竄至青龍坎木寨子蓋茶寺火鋒山梁灣河等
處分起屯紮或想偷渡巴河或想約赴儀隴與
羅其清合夥其蓋茶寺一處至廣二十餘里賊
匪聚集更衆等語當將該犯等正法查青龍坎

一帶路逕紛歧如從青龍坎進攻蓋茶寺必須

從木寨子梁灣河兩路逼入遂于二十二日晚

間催僉各起官兵趕至卧龍山次日丑刻臣勒

保率同富成七十五穆維等由木寨子一路直

攻蓋茶寺臣惠齡率同百祥並副將雷仁關聯

陞繞至梁灣河互相夾擊其巴河北岸螺絲頂

蘭草渡一帶均有淺處可涉當派叅將尤漢玉

遊擊馬建紀等帶領兵勇沿河設伏防範三十

四日臣勒保一路官兵行至木寨子哨探兩旁

樹林賊匪百十爲羣當經前隊官兵搜殺淨盡

二十五日辰刻馳抵蓋茶寺卽有大夥賊匪分

起前來搖旗蜂擁隨卽督率富成等分兵兜擊

自辰至午逼至石埡子我兵扳援石級而上斃

賊極多乘勝追剿三十餘里直至九節梁匪衆

爭向高山密箐奔竄統計沿途殺賊二千餘人
生擒何其綸等二百五十四名是日臣惠齡一

路官兵進抵梁灣河正遇賊匪從雞公壩山梁
沿坡而下官兵繞出賊前奮力迎擊殺賊一千
餘名賊匪尙不遽退復派後隊官兵轉從雞公
壩山梁奮力下壓賊匪始形慌亂乘夜奔竄連
日斬獲共五千餘名偷渡餘匪俱經沿河兵勇

搜拏殆盡遊擊王宏信把總薛烈于石埡子上
坡時中鎗殞命查賊匪現竄之李家山一路係
通往儀隴地方恐該首逆等卽從此路潛逃與
羅其清合夥且儀隴爲順慶門戶與保寧所屬
之蒼溪南部等處在在毗連臣等現在飛行知
會恒瑞等卽於西北一百分兵堵禦臣等卽日
趕緊進發以爲夾擊之計均奏入

上命軍機大臣傳諭勒保宜綿德楞泰曰高均德二
股賊匪竄入老林德楞泰等跟蹤追剿仍任該匪
翻山迭竄沿途殲斃之賊不過六七百名所獲亦
非緊要頭目無能已極大負朕節次宥罪施恩之
意德楞泰明亮額勒登保著嚴行申飭現在該匪
旣由鎮安五郎一帶奔竄必與李全阮正通合夥
宜綿已令興肇柯藩帶兵馳赴池河堦剿宜綿又

由興安帶兵進攻正可乘各首逆竄聚併力截擊
至賊首王三槐等經勒保等分兵兩路進擊在關
智坡益茶寺一帶殲賊五千餘名但並未拏獲首
逆一人賊衆仍由李家山逃竄該處與儀隴相近
該首逆等旣得此路潛逃必思與羅其清合夥現
據勒保咨會恒瑞等卽于西北一百分兵堵禦勒
保等帶兵進截正可前後夾攻速擒首逆所有此

次打仗陣亡之遊擊王宏信等俱著咨部加等議卹

十二日丙午宜綿奏言阮正通股匪經興肇柯藩

帶兵馳赴冷水溝等處截剿遂折回石泉之池

河焚掠興肇柯藩復催趙官兵冒雨前進適值

義首周希元張忠良等帶領鄉勇與賊相持賊

人卽分一股馬隊馳上北山又分一股步隊奔

上南山意圖圍裹鄉勇我兵趕到亦分爲三路
副將德明額等帶領馬兵專攻賊人馬隊協領
巴克坦布等帶領步兵扼賊下南山之路柯藩
督率副將德亮等直撲中路鎗礮齊放賊人退
而復進兵勇撲入賊隊殺賊二百餘名賊匪竄
入池河街中放火其前隊之賊皆跳下河坎梟
水奔逃兵勇冒烟追趕亦卽淌渡殺賊百餘名

生擒四十餘名其南北兩山賊匪經馬步官兵
分途搶上山梁正在抵禦見中路賊敗俱向北
山由大壩入迎風溝而遁興肇柯藩將馬步官
兵會齊進發二十四日派副將德明額協領那
全等帶兵勇八百名由西首山梁而進叅將海
洪阿等帶兵勇八百名由東南山梁而進另派
協領喜卜產叅將槐他哈等帶兵六百名繞出

東南山後埋伏俟鎗礮聲響卽抄至賊後掩殺
柯藩率兵先行與肇步隊繼進行十餘里見騎
馬賊千餘名在對面山梁紅旗居中黑旗在左
白旗在右我兵馳過山坡仍隔一河遂分爲兩
翼正在踟躕欲渡西北溝內突出賊匪皆用長
矛拒敵我兵鎗箭齊發西首山梁帶兵之德明
額等飛趕下山從後掩襲賊人前後受敵死者

甚多退回對面山梁守備孔琪把總馬得皆力
戰陣亡復見賊人黑旗搖動半坡樹林內又擁
出三千餘人而喜卜崖所伏之兵聞鎗礮聲已
繞至此路截住攪殺海洪阿之兵亦從東南過
河兩路追趕又殺賊三百餘名生擒二十三名
救出被裹民人一百餘名把總馬勁外委楊興
俱受傷殞命兵勇亦間有傷亡賊遂分爲兩股

一股竄入五郎之獅子壩經遊擊龔鐸署通判
左觀瀾督率兵勇奮力堵禦賊匪不敢逼近廳
治遂由老關口折回向東河賈家營一帶逃竄
一股折回銀杏壩衝過饒峯嶺大道由周家坎
小徑奔竄勢欲直趨洋縣興肇柯藩卽派副將
德明額叅將達桑阿等帶領兵勇一千六百名
躡蹤追襲興肇柯藩帶兵一千五百名由渭門

子午鎮兼程趨行抄出賊前遏其去路臣查賊

人既分數股興肇柯藩自當以全力追剿竄赴

洋縣之賊其竄赴賈家營之賊勢難兼顧臣已

飛咨王文雄帶兵由黃梁鎮進口至五郎相機

剿辦賊若東竄鎮安正可與德楞泰額勒登保

明亮會兵兜圍至高均德一股經德楞泰等連

次痛剿勢極窮蹙龍朝相一股尙有皮和鋪二

帶未敢深入川匪竄入湖北者已至南漳距陝
甚遠惟聞太平城口等處又有賊匪滋擾臣又
飛飭平利縣於連界處所嚴密布置臣帶現隨
兵勇紮營越嶺關以爲南北兩路聲勢視何處
緊急卽行相機策應

同日景安奏言臣自在白雲山將賊匪剿敗後

該匪向西北許家集一帶狂奔訊據賊供總欲

搶渡漢江北入豫省是以連日督令冒雨趨行
漏夜趕至宜城抄出賊前適該匪自武堰鎮向
東北奔竄因聞官兵抄擊仍折回西遁

臣當卽

探明道路鼓勵將士趕緊行走適據王柄札稱
業經調派南省兵二千名分起前進

臣先儘現

有兵力相機力剿俾賊鋒日挫賊勢日孤裹脅
之人自必逐漸解散又據海興阿查報石牌打

仗之協領果勒明阿佐領福祿阿爾薩蘭防禦
薩哈布滿棟阿驍騎校哲庫阿爾吉善靈海均
經陣亡又建陽驛巡檢金廷勲罵賊被戕再查
宜昌鎮總兵張廷彥先經汪新派令帶兵二千
八百名在巴東之界嶺一帶堵禦該鎮不能悉
力固守致被川匪闖入追賊匪竄至石牌該鎮
與文圖等督兵擊剿又復失利且查該鎮人甚

委靡平日於將弁兵丁不能加意約束現據遠安縣石靈稟報該鎮所帶之兵前在該縣曾有滋擾地方之事現在飭司嚴審究辦應請

旨將張廷彥革職以肅軍紀仍令留營効力贖罪又

鍾祥縣知縣劉雲卿前因賊匪竄至荆門飭令

設臺轉運詎臣在白雲山剿賊時連日兵糧並

未趕到挨查由襄撥發米糧經宜城縣解到該

縣所管之麗陽驛堆積滿街竟不接運前進正
在查叅間忽於四月初七日接據該縣八百里
來稟內稱賊距麗陽驛僅五十里驛傳要道恐
有梗塞迅賜發兵救護等語臣查賊經大兵痛
剿惟向西路山徑奔竄並未擾及麗陽驛路且
縣城距軍營不及二百里豈有八百里公文行
至旬日之久是該縣明知咎無可追捏稱賊近

驛路倒填月日以掩其遲悞軍糧之愆居心更
爲巧詐應請

旨將劉雲卿革職拏問從重定擬均奏入

上命軍機大臣傳諭勒保宜綿景安德楞泰曰阮正
通一股賊匪經與肇柯藩帶兵攻剿復分兩股逃
奔現在宜綿令與肇柯藩專剿竄往洋縣之賊其
折竄五郎賈家營賊匪令王文雄帶兵截剿惟當

上緊督催不論何賊剿清一股再辦一股其打仗陣亡之守備孔琪把總馬得傷亡之把總馬勁外委楊興俱著咨部加等議卹現在吉林黑龍江勁兵皆在德楞泰一路以之截剿窮竄無多之賊有何難辦乃復任輾轉逃逸此時阮正通分股之賊業由五郎折竄賈家營若再向東竄必致與高均德等合夥與肇等在洋縣剿賊不能兼顧王文雄

自卽帶兵馳往加賊匪東竄鎮安德楞泰等一路官兵卽可與王文雄兩面夾攻速行剿盡斷不可復任他竄與高均德合夥又景安奏賊匪折回西遁該督處兵力稍單前已令額勒登保帶兵赴楚協剿並令于荊州及湖南各營內抽撥兵數千名剿捕景安惟當督率將弁先儘現有兵力確探賊蹤乘勝追殺擒拏首逆至所叅委靡不振之總兵

張廷彥玩悞軍糧之知縣劉雲卿現當軍務緊要之時似此玩悞之員不加懲創何以示儆張廷彥卽著革職拏問解交刑部治罪劉雲卿亦著革職鎖拏交刑部從重治罪所有海興阿等一路前在石牌打仗陣亡之協領果勒明阿等俱著各部加等議卹其屬賊被戕之巡檢金廷勲亦著各部加等予卹

十四日戊申秦承恩奏言前此高均德股匪分竄

渭南華州諸峪口欲出東北大路直趨豫境經

臣

督令王文雄承德帶兵迎剿折回老林四散

狂奔王文雄等分路入山搜捕盡行殲戮其折

竄藍田山內之賊經德榜秦明亮額勒登保等

於東北兩面抄繞截殺遂向鎮安西南一帶奔

逸連日大雨如注山溪暴漲德榜秦等冒雨馳

在分道兜擒查李全阮正通等正在漢陰石泉
滋擾經宜綿興肇柯潘在彼圍剿若逼歸一處
各路大兵會合定可一鼓殲除惟查鎮安西北
可由五郎洋縣直趨鳳翔寶雞暨藍屋郭縣倘
賊匪被圍緊急不能南竄勢必翻山北出臣與
王文雄現卽帶領官兵由東而西暫住子午峪
相機迎擊其承德所帶山西兵丁卽令由寶雞

取道入山於五郎洋縣各要隘迎頭攔剿兼護
棧道奏入

上命軍機大臣傳諭秦承恩曰高均德一股賊匪經
官兵抄截業向鎮安西南一帶奔逸乃秦承恩督
內復追述從前情形尙稱賊匪欲出東北大路而
於現在剿捕情形轉未聲敘明晰著傳旨嚴行申
飭至該匪等折竄鎮安後被剿緊急難保不翻山

北逃秦承恩王文雄現在帶兵駐劄子午峪務須
相機迎擊而永德已由寶雞取道前進亦應在五
卽洋縣一帶迎頭攔截毋任乘間北逸